

Na osnovu člana 16. stav (2) Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj:7/10 i 3/23) i Programa utroška sredstava planiranih Budžetom Zeničko-dobojskog kantona za 2024. godinu, broj: 02-11-1831/24 od 29.01.2024. godine, broj: 02-11-6495/24 od 29.03.2024. godine, broj: 02-11-13114/24 od 19.07.2024. godine i broj: 02-11-15066/24 od 30.08.2024. godine, u razdjelu 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2024. godinu, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 44. sjednici održanoj dana 30.08.2024. godine, d o n o s i

## **ODLUKU**

### **o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu**

#### **Član 1. (Sadržaj Odluke)**

Osobama sa područja Zeničko-dobojskog kantona dovedenim u stanje socijalne potrebe usljed prirodne nesreće, a kojima su stambene jedinice oštećene, rizične za stanovanje ili totalno uništene od poplava, zemljotresa ili klizišta, (u daljem tekstu: osobe u stanju socijalne potrebe) i koje su izmještene iz svojih domova, pružit će se pomoć za plaćanje troškova stanovanja do okončanja obnove ili izgradnje stambenih jedinica.

#### **Član 2. (Ostvarivanje pomoći)**

Pomoć iz člana 1. ove Odluke osoba u stanju socijalne potrebe će ostvariti pod sljedećim uvjetima:

- a) da je stambena jedinica oštećena, rizična za stanovanje ili uništena usljed poplava, zemljotresa ili klizišta i nije uvjetna za stanovanje u skladu sa propisanim stambenim standardima,
- b) da je porodica čija je stambena jedinica oštećena, rizična za stanovanje ili totalno uništena od poplava, zemljotresa ili klizišta, na dan prirodne nesreće živjela u predmetnoj stambenoj jedinici,
- c) da je utvrđeno pravo vlasništva/posjeda nad predmetnom stambenom jedinicom.

#### **Član 3. (Potrebna dokumentacija)**

(1) Zahtjev za ostvarivanje pomoći iz člana 1. ove odluke osoba u stanju socijalne potrebe podnosi se Ministarstvu za rad, socijalnu politiku i izbjeglice (u daljem tekstu: Ministarstvo).

(2) Uz zahtjev je potrebno dostaviti sljedeću dokumentaciju:

- a) dokaz o utvrđenom pravu vlasništva/posjeda na stambenoj jedinici (posjedovni list ili ZK izvadak),
- b) dokaz o prebivalištu/boravištu (CIPS),
- c) kućnu listu,
- d) dokaz o neuslovnosti za stanovanje stambene jedinice zbog oštećenja (zapisnik/nalaz

ovlaštene osobe za procjenu štete).

#### **Član 4.**

##### **(Rješavanje o pomoći)**

- (1) Postupak odlučivanja po zahtjevu za ostvarivanja pomoći iz člana 1. ove Odluke provodit će Ministarstvo.
- (2) Ministarstvo će u postupku utvrditi sve činjenice i okolnosti od značaja za ocjenu osnovanosti zahtjeva i po istom odlučiti rješenjem.

#### **Član 5.**

##### **(Visina pomoći)**

Plaćanje troškova mjesečne stanarine utvrđuje se do iznosa:

- a) za jednočlanu porodicu ..... 200,00 KM,
- b) za dvočlanu i tročlanu porodicu ..... 300,00 KM,
- c) za četveročlanu i petočlanu porodicu ..... 400,00 KM,
- d) za šestočlanu i veću porodicu ..... 500,00 KM.

#### **Član 6.**

##### **(Period važenja pomoći)**

Rješenje o utvrđenom pravu na pomoć revidirat će se svaka tri mjeseca, provjerom činjenice o uslovnosti stambene jedinice oštećene, rizične za stanovanje ili totalno uništene od poplava, zemljotresa ili klizišta.

#### **Član 7.**

##### **(Finansiranje)**

Finansiranje pomoći iz člana 1. ove Odluke vrši se sa pozicije Ministarstva za rad, socijalnu politiku i izbjeglice.

#### **Član 8.**

##### **(Postojeći korisnici)**

Osobe u stanju socijalne potrebe, koje su ostvarile pomoć za plaćanje troškova stanovanja po osnovu Odluke o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu („Službene novine Zeničko-dobojskog kantona“, broj: 6/14), nastaviti će ostvarivati pravo uz ispunjavanje uvjeta i na način utvrđen ovom odlukom.

#### **Član 9.**

##### **(Prestanak važenja Odluke)**

Donošenjem ove Odluke stavlja se van snage Odluka o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu („Službene novine Zeničko-dobojskog kantona“, broj: 6/14),.

**Član 10.**  
**(Stupanje na snagu Odluke)**

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-11-15067/24  
Datum, 30.08.2024. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo za rad, socijalnu politiku i izbjeglice,  
1x Ministarstvo finansija,  
1x “Službene novine Zeničko-dobojskog kantona”,  
1x a/a.